



ԻՆՉՊԵՍ ԱՆԽԱՏԵԼ ՀԱՇՎԱՊԱՀԻ ՀԵՏ՝ ՄԱՔՍԻՄՈՒՄ ԱՐԴՅՈՒՆՔ ՍՏԱՆԱԼՈՒ ՀԱՄԱՐ

Ձեր հաշվապահը Ձեր բիզնեսին աջակցող մասնագետն է:

Եթե ցանկանում եք ստանալ մաքսիմում արդյունք նրա աշխատանքից՝ նվազագույն ռիսկերով և առավելագույն հստակությամբ, կարևոր է ճիշտ կազմակերպել Ձեր համագործակցությունը: Ահա մի քանի հիմնական քայլ, որոնք կօգնեն Ձեզ:



Տվյալներն ու փաստաթղթերը տրամադրեք ժամանակին

Որքան շուտ հաշվապահը հասանելիություն ունենա անհրաժեշտ տեղեկատվությանը՝ եկամուտներ, ծախսեր, պայմանագրեր, դրամարկղի շարժեր, բանկային քաղվածքներ և այլն, այնքան ճիշտ ու արագ կկարողանա մշակել հաշվետվությունները և կանխել հնարավոր սխալները:



Պայմանավորվեք շփման հստակ կանոնների մասին

Որո՞նք են կապի հիմնական ձևերը՝ հեռախոս, էլ. փոստ, հաղորդագրություններ:

Որքան հաճախ եք հանդիպում կամ քննարկում ընթացիկ հարցերը: Այս հարցերը հստակեցրեք հենց սկզբում՝ խուսափելու համար միմյանց սպասելուց կամ բաց թողնված հարցերից:



Հստակ ձևակերպեք ձեր սպասելիքները

Ցանկանում եք միայն հաշվետվություններ, թե նաև հարկային պլանավորում, խորհրդատվություն, ծախսերի վերլուծություն: Հստակ ձևակերպեք Ձեր սպասելիքները, որպեսզի հաշվապահը տրամադրի անհրաժեշտ մասնագիտական աջակցությունը:



Հարգեք մասնագիտական սահմանները

Հաշվապահը կարող է հուշել բիզնես որոշումների մասին, սակայն նա ֆինանսական խորհրդատու չէ: Որպես գործարար Դուք պետք է ունենաք ընդհանուր պատկերացում՝ ինչի համար ինչ վճարում եք կատարում, ինչ հնարավոր ռիսկեր կան, և երբ է պետք ներգրավել այլ մասնագետների:



Պահպանեք թափանցիկություն բոլոր գործարքներում

Հաշվապահը կարող է պաշտպանել Ձեզ հարկային սխալներից կամ ռիսկերից միայն այն դեպքում, երբ ամբողջ տեղեկատվությունը ճիշտ է ներկայացված: Թաքցված գործարքները, չհաշվառված եկամուտները կամ չտրամադրված փաստաթղթերը կարող են հանգեցնել տուգանքների:



Թվայնացրեք գործընթացները՝ հաշվապահի հետ ավելի արագ աշխատելու համար

Ժամանակակից հաշվապահները սովորաբար աշխատում են կոնկրետ ծրագրերի հետ, որոնք թույլ են տալիս ավտոմատացնել և հետևել տվյալներին: Համագործակցությունը կլինի ավելի հարթ, եթե աշխատեք նույն հարթակներում:



Հետևեք օրենսդրական փոփոխություններին՝ հաշվապահի օգնությամբ

Հաշվապահը կարող է տեղեկացնել նոր օրենքների մասին, սակայն լավ կլինի նաև Դուք հարցնեք կամ քննարկեք՝ ինչպես կարող են այդ փոփոխությունները ազդել Ձեր բիզնեսի վրա: Ճիշտ կառուցված համագործակցությունը հաշվապահի հետ օգնում է խուսափել տուգանքներից, վերլուծել ծախսերը և պլանավորել բիզնեսի զարգացումը:

ՀԻՇԵՔ՝ ՀԱՇՎԱՊԱՀԸ ՄԻԱՅՆ ՀԱՇՎԵՏՎՈՒԹՅՈՒՆՆԵՐ ԿԱԶՄՈՂ ԶԷ, ԱՅԼ ԲԻԶՆԵՍԻ ԶԱՐԳԱՃՄԱՆ ԱՉԱԿՈՂ ԳՈՐԾԵՆԿԵՐ:

